

Х ө ө ч и н д и и л в р

Кесг олн джил хооран, Ханата поселкин сургъульчнр дунд ямаран професс дасдж авхин тускар күүндвр гарсмн. Зәрм сургъульчнр цаарандан сургъуль сурх, зәрмснь төрски колхоздан үлддж кōдлх болдж шиидцхәлә.

—Эцкм болн ахм хōбчнр болдж кōдлджәцхәнә, би бас хōбч болнав,—гидж Убушиев Дордж келлә.

Тегәд Убушиев Дордж хōбч болла. Эклдж эцктәгъән хамдан хō хәрүлдж йовб. Тиигә йовдж, ахиннь бригадт бас хōбч болдж кōдлв. Ахтагъан хоюрн джил болгън Харгазрт хоbdән үвлзүлдг бәәсмн. Дордж багъ цагтан йир шулун-шудрмг кōвүн бәәсмн. Олн джил малин ард йовх малчнр иигдж келцхәдг билә: эн кōвүнәс ик дамшлтта хōбч болдж гархмн.

—Чамаг шинджләд хәләгъәд бәәхнь, чи бий деерән онц отар авч хәләдж чадхмч. Чини нүднчнь хурц болн сән сургъмдж авч,—гидж ахнь келлә.

Ягъдж хōбдиг хәрүлдж, ас-

рдж өсгхин тускар Дорджиг ахнь сургъдг билә. Ямаран цагла, ягъдж идгиг олзлдж, хōд таргън-цатхлнь бәәдгин, хōbdәсн төл авхин болн ик ноос киргъдж авхин тускар Дордж йир сән дамшлт сурч авб.

Сарпинск района „Гигант“ колхозд үр Убушиев Дордж зуна нүүдж ирн ах хōбч болдж орла. Тегәд бий деерән 1370 толгъа нәәднр хōд даадж авад, хәләдж йовна. Ода Дордж эн хōbdтәгъән Харгазртал үвлзхәр йовдж одв. Энүнә дөнънōкднь Бадмаев Убуш болн Александр ах-дү хойр, дакад Тагирова Булгън кōдлдж йовцхана. Эн нәәднр хōbdт искусствени кōг тәвлгънә кōдлмшт йилгъән сәәнәр кōдлцхәв.

Убушиев Дорджин бригадзун хōн болгънас 125 хургъ болн дундлад нег хōн болгънас 4,5—5 килограмм ноос киргъдж авх болдж даалгъвр авцхав.

Н. ИВАНОВ.